

Evropsko partnerstvo

Evropsko partnerstvo jedan je od instrumenata procesa stabilizacije i pridruživanja i služi kao svojevrsna kontrolna lista (checklista) prema kojoj se mjeri napredak zemalja zapadnog Balkana – potencijalnih kandidata u procesu pristupanja Evropskoj uniji. Evropsko partnerstvo je dokument kojim se određuju ključni, kratkoročni (1 – 2 godine) i srednjoročni (3 – 4 godine) prioriteti aktivnosti zemlje u približavanju punopravnom članstvu u Evropskoj uniji. Ovi prioriteti definirani su kao politički kriteriji, ekonomski kriteriji i evropski standardi i odražavaju kriterije iz Kopenhagena (1993.). Evropsko partnerstvo naslanja se na redovni godišnji izvještaj o napretku zemlje u procesu stabilizacije i pridruživanja. Prioriteti se definiraju u skladu s realnim očekivanjima Evropske unije da je zemlja sposobna ispuniti ili ostvariti značajan napredak u njihovoj realizaciji, a prioriteti su prilagođeni potrebama svake zemlje pojedinačno.

U oblasti okolišnih pitanja predviđeni su slijedeći zahtjevi usmjereni prema Bosni i Hercegovini:

- 1. Usvojiti državni zakon o okolišu kako bi se stvorio okvir za harmoniziranu zaštitu okoliša u cijeloj zemlji**
- 2. Nastaviti sa provedbom zakonodavstva o procjeni utjecaja na okoliš, a mjere koje je potrebno poduzeti u tom pogledu su:**
 - a) *Planiranje i implementacija direktiva*
 - b) *Stalne analize usklađenosti propisa sa *acquis-em* za okoliš*
 - c) *Izrada i usvajanje prostorno planske dokumentacije na svim nivoima i Strateška procjena uticaja na okoliš*
- 3. Ratificirati i početi provedbu relevantnih međunarodnih konvencija, uključujući Konvenciju iz Aarhusa i Espoo konvenciju. Predviđa se:**
 - a) *Završiti postupak ratifikacije ESPOO Konvencije*
 - b) *Određivanje strukture za implementaciju Aarhus konvencije*
 - c) *Određivanje strukture za implementaciju Espoo konvencije*
 - d) *Izrada strategije implementacije međunarodnih konvencija*
- 4. Uspostaviti državnu agenciju za okoliš i osigurati njeno propisno funkcioniranje**

5. **Dalje jačati administrativni kapacitet institucija koje se bave okolišem, posebno na državnom nivou, te poboljšati komunikaciju i koordinaciju između tih institucija, što podrazumijeva upošljavanje državnih službenika na svim nivoima i njihovo kontinuirano educiranje**
6. **Nastaviti raditi na postepenom prenošenju *acquis*-a, sa posebnim naglaskom na upravljanje otpadom, kvalitet voda, kvalitet zraka, zaštiti prirode i integriranom sprečavanju i kontroli zagađenja. Aktivnosti koje je potrebno poduzeti u vezi ovoga su:**
 - a) *Izrada Strategije o približavanju zakonodavstva EU iz područja zaštite okoliša/ Program prilagodbe*
 - b) *Poboljšanje implementacije Međunarodnih ugovora*
 - c) *Uspostava i funkcionisanje državnog monitoring okolišnog sistema*
 - d) *Uspostava jasnije i efektnije koordinacione strukture i plana za transpoziciju *acquis*-a*
 - e) *Usaglašavanje domaćih propisa (horizontalno, vertikalno)*
 - f) *Izmjene i dopune entitetskih Zakona sa ciljem stvaranja pravnog osnova za provedbu mjera i strategije (entitetskih)*
7. **Provesti strateške planove, uključujući strategije investiranja, te povećati investiranje u infrastrukturu za zaštitu okoliša, sa posebnim naglaskom na prikupljanje i obradu otpadnih voda, opskrbu pitkom vodom, te upravljanje čvrstim otpadom. Predviđene aktivnosti su:**
 - a) *Izrada master planova za investiranje u infrastrukturu za zaštitu okoline, implementaciju «havy» Direktiva i izrada liste prioriteta*
 - b) *Uspostavljanje i rad jedinica za pripremu infrastrukturnih jedinica*
 - c) *Kordinacija u korištenju fondova i ostalih finansijskih institucija*
 - d) *Planiranje i povećanje investiranja u infrastrukturu od strane entiteta*
8. **Osigurati da zahtjevi u pogledu zaštite okoliša budu uključeni u definiranje i provedbu drugih sektorskih politika. Predviđene aktivnosti su:**
 - a) *Osiguranje jačeg integriranja politike zaštite okoliša sa politikama ostalih sektora (energetika, promet, poljoprivreda, industrija, turizam)*
 - b) *Ostvarivanje međusektorske koordinacije prilikom izrade propisa*